

0.0.1 ghaṭikārasuttaṃ

ghaṭikāra devatā:

avihaṃ upapannā se,
vimuttā satta bhikkhavo;
rāgadosaparikkhīṇā,
tiṇṇā loke visattikanti.

bhagavā:

ke ca te ataruṃ saṅgaṃ⁷,
maccudheyyaṃ suduttaraṃ;
ke hitvā mānusaṃ dehaṃ,
dibbaṃ yogaṃ⁸ upaccagum.

ghaṭikāra:

upako palagaṇḍo ca,
pukkusāti ca te tayo;
bhaddiyo bhaddadevo ca,
bāhudantī ca piṅgiyo;
te hitvā mānusaṃ dehaṃ,
dibbaṃ yogaṃ⁸ upaccagunti.

bhagavā:

kusalī bhāsasi tesam,
mārapāsappahāyinaṃ;
kassa te dhammamaññāya,
acchidum bhavabandhanaṃ.

ghaṭikāra:

na aññatra bhagavatā,
nāññatra tava sāsana;
yassa te dhammamaññāya,
acchidum bhavabandhanaṃ.

yattha nāmañca rūpañca,
asesaṃ uparujjhati;
taṃ te dhammaṃ idhaññāya,
acchidum bhavabandhananti.

bhagavā:

gambhīraṃ bhāsasi vācaṃ,
dubbijānaṃ sudubbudhaṃ;
kassa tvaṃ dhammamaññāya,
vācaṃ bhāsasi īdisanti.

ghaṭikāra:

kumbhakāro pure āsiṃ,
 vehaliṅge¹ ghaṭikaro;
 mātāpettibharo āsiṃ,
 kassapassa upāsako.

virato methunā dhammā,
 brahmacārī nirāmisō;
 ahuvā te sagāmeyyo,
 ahuvā te pure sakhā.

so'haṃ ete² pajānāmi,
 vimutte satta bhikkhavo;
 rāgadosaparikkhīṇe,
 tiṇṇe loke visattikanti.

bhagavā:

evametaṃ tadā āsi,
 yathā bhāsasi bhaggava;
 kumbhakāro pure āsi,
 vehaliṅge ghaṭikaro.

mātāpettibharo āsi,
 kassapassa upāsako.
 virato methunā dhammā,

brahmacārī nirāmiso;
 ahuvā me sagāmeyyo,
 ahuvā me pure sakhāti.

therā:

evametaṃ purāṇānaṃ,
 sahāyānaṃ ahu³ saṅgamo;
 ubhinnaṃ bhāvitattānaṃ,
 sarīrantimadhārinanti.